



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Parochorum, Sive Institutiones & Praxes Tum Vitæ, tum Officii Pastoralis

Musart, Charles

Monachii, 1654

Prooemium, Mens Auctoris.

urn:nbn:de:hbz:466:1-41616

P R O O E M I V M,

MENS AVTHORIS.

VErè, & pridem dictum, Ars Artium Regimen Animarum; quo in negotio peccari grauissimus error esse posset. Ideoque qui eam Artem vult profiteri; videat in primis, quam operam in eâ perdiscendâ posuerit, quantum profecerit: neque verò facilis, aut breuis est ista ars; quam nisi multo studio, & longo vsu non comparaueris: quare si rudis adhuc, & inexpertus sis; necessarium est, eos adeas & audias, qui eam doctrinam vel tractârunt ipsi diu, vel aliunde acceptam aliis tradiderunt. Scripsere quidem eiusmodi institutiones, & industrias non pauci; sed aliqui confusè, aliqui fusè nimium; qui ordine, & methodo familiari, eaque breui, fortassis non multi; saltem qui in manus meas venerint. Quamobrem à quibusdam boni publici studiosis impulsus sum; vt si quid variâ multorum annorum lectione, & longo vsu obseruâssem, in compendium, breui & facili Methodo coniicerem, in gratiam præsertim eorum, qui ex Scholis, & Seminariis ad Animarum Curam primùm emittuntur. Obsequor tandem diuinæ gloriæ, & salutis
alie-

PROOEMIUM

alienæ desiderio : Conscientiæ casus non explico ; passim habentur libri, qui hos tractent : imò neque omnes officii Pastoralis partes, ductis longè ambagibus, aut periodorum numeris prosequor, longum id fuisset : Praxes quasdam, & Instructiones tum Morum, tum Administrationis rerum sacrarum, tum Conuersationis cum subditis, breuiter trado, non vt eas venditem pro certis Regulis, neque enim eâ Authoritate polleo, sed vt sequaris, si placent ; quamdiu aliquid melius non suppetit.

Accipe, mi Lector, hanc operam meam eâ mente, quâ defero ; breuis sum, vt tempori parcam ; exiguus, vt tuis sumptibus, & labori minùs incommodem ; Si non pigebit legere ; fructum vti spero, referemus : Tu tuæ operæ, ego mei Opusculi.

Vtere, & bene viue,
ac vale.

SVM-